



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Conciliis Generalibus Approbatis Ac Reprobatis Breve Compendium.

Longo, Francesco

Romae, 1624

De Conciliorum Partitione, eorumque requisitis.

urn:nbn:de:hbz:466:1-10467

I
DE
CONCILIORVM
PARTITIONE,
eorumque requisitis.



VIA in hoc Com-
pēdio Oecumenica
tantum Concilia
perstringere sta-
tui, vt ex hac lectione veluti
ex Isagoge ad maiora illa vo-
lumina, in quibus Concilia
ipsa integrè continentur, via
paretur; operæpretium duxi
ante omnia hic Conciliorum
omnium partitionem, eorum-
que requisita ponere. Concilia
igitur, quæ hucusque celebra-
ta reperiuntur, sunt in quadru-
plici differentia: quædam enim
sunt Oecumenica: quædam
Nationalia: quædam Prouin-
cialia, quædam Dicecesana.
Oecumencia sunt illa, qui-

*Conciliorū
omniū par-
titiō.*

*Concilia
Oecumeni-
ca quæ.*

A
bus

2 DE CONCILIOR.

bus interesse possunt, & debent Episcopi totius Orbis, nisi legitimè impediuntur, & quibus nemo rectè præsidet, nisi summus Pontifex, aut alius eius nomine. Inde enim dicuntur Oecumenica, idest orbis terræ totius Concilia.

Ad Concilia Oecumenica conditiones quatuor requiruntur.

1. Vt euocatio Episcoporum sit generalis.

2. Vt nullus Episcopus excludatur.

Ad quæ ex consuetudine Ecclesiæ quatuor conditiones, & sufficere, & requiri, colligimus.

Prima est, vt euocatio sit generalis, itaut innotescat omnibus maioribus Christianis Prouincijs, Id enim constat semper fuisse seruatum, adeo vt VII. Synodus Act. VI. ideo iudicauerit Concilium Constantinopolitanum contra Imagines, non fuisse generale, & Oecumenicum, quia non exijt sonus eius in omnem terram. Secunda est, vt ex Episcopis nullus excludatur, vndecumque veniat, modò

PARTITIONE. 3

modò constet , eum esse Episcopum , & non excommunicatum . Tertia , vt adsint per se , vel per alios quatuor præcipui Patriarchæ , præter summum Pontificem , videlicet Constantinopolitanus , Alexandrinus , Antiochenus , & Hierosolymitanus , quia istis suberant omnes alij Episcopi . Id patet tum ex usu , tum ex vij. Synodo , Act. vj. Vbi censetur , Constantinopolitanum contra Imagines , non fuisse Oecumenicum ; quia non habuit Patriarchas . Et in viij. Synodo , Act. 9. recipitur cum gaudio Vicarius Patriarchæ Alexandrini , tanquam sine illo aliquid defuisset Synodi plenitudini . Verùm hæc tertia non omnino necessaria , sed tantum ad bene esse iudicabatur . Nam Synodus iij. sine Patriarcha Antiocheno damnauit Nestorium Constanti-

3. *Vi Patriarche siue p se, siue p alios interueniät.*

4 DE CONCILIOR.

nopolitanum : & Synodus Chalcedonenſis ſine Patriarcha Alexandrino omnia ferè concludit : & nunc non ſunt neceſſarij iſti Patriarche, quia Hæretici, vel certè Schiſmatici ſunt. Quarta, vt ſaltem ex maiori parte Chriſtianarum Prouinciarum aliqui adueniant : & ſiquidem Concilium fit in Oriente, ſemper viſum eſt ſufficere, ſi ex Prouincijs omnibus Orientis Epiſcopi conueniant multi : ex toto autem Occidente mittantur aliqui à ſummo Pontifice, qui ſuppleant aliorum locum. Et e conſtrario, ſi celebretur in Occidente, conueniant ex omnibus Prouincijs Occidentis multi ; ex Oriente autem pauci aliqui veniant nomine aliorum. Sic in Concilio Nicæno I. ex Occidente ſolùm fuerunt duo Presbyteri miſſi ex Italia, vnus Epiſcopus

*q. Vt ex
maiori
parte Chri-
ſtiani Or-
bis aliqui
adueniant.*

PARTITIONE. 5

pus, ex Gallia, vnus ex Hispania, vnus ex Africa. In Concilio II. & III. nulli fuerunt ex Occidente; sed tamen Pontifex Damafus, & Cœlestinus Concilia illa confirmarunt, nomine suo, & aliorum Episcoporum Occidentis, quos ipsi Romæ collegerant.

In Concilio iv. solum fuerunt Legati Leonis: & præterea misit ipse consensum aliorum Episcoporum Hispaniæ, Galliæ, & Italiæ, qui in suis Prouincijs celebratis Concilijs ad Leonem scripserant, se in omnibus sententiam eius sequi. E contrariò verò ad Concilia Occidentis, vt Lateranen. sub Innocentio III. Lugdunense sub Gregorio X. Vienneuse sub Clemente V. ac nuper Tridentinum venerunt Episcopi frequentes ex toto Occidente: ex Oriente verò pauci quidam dumtaxat.

A 3 Na.

6 DE CONCILIOR.

*Nationalia
Concilia
quæ.*

*Nationalia
Concilia
sæpè
Generalia
vocantur.*

Nationalia verò Concilia dicuntur ea, in quibus conveniunt Archiepiscopi, & Episcopi unius Regni, vel Nationis, quibus præest aliquis Patriarcha, vel Primas, qualia sunt multa Concilia Romana, Toletana, & Africana: de quibus illud notandum est, ea licet sint reuera distincta à Generalibus, & Provincialibus; tamen utrorumque nominibus interdum appellari. Vocantur enim sæpe Concilia Universalia, ut patet ex Concilijs Romanis sub Symmacho, ubi semper dicitur: *Symmachus Concilio Generali præsidens*: & tamen aderant solum Episcopi Italiae. Sic in Concilio Toletano III. cap. 18. dicitur: *Præcipit hæc Sancta & Universalis Synodus*: & tamen solum aderant Episcopi Hispaniæ. Idem patet ex Concilio IV. Carthaginensi.

Sic

CONCILIORVM. 7

Sic Athanasius Alexandrinum appellat. Apolog 2. In Gallia Concilium Matisconense II. constituit, vt quolibet triennio vniuersalis Synodus celebraretur. Animaduertendum est, tamen quòd interdum talia Concilia Nationalia sunt multò maiora Generalibus Oecumenicis, quoad numerum Episcoporum: & tamen minora quoad auctoritatem: nam Concilium II. Oecumenicum habuit tantum centum quinquaginta Episcopos ex varijs Prouincijs, & Nationibus: & nihilominus Concilium Carthaginense Nationale ex sola Africa, tempore B. Augustini, habuit Episcopos ducentos, & septemdecim; vt refert Prosper in Chron. anni 420.

Dicuntur ergo ista Generalia, siue Vniuersalia, quia sunt Generalia in eo Regno,

A 4 non

8 DE CONCILIOR.

non autem absolute . Dicuntur autem Prouincialia ista eadem à Gratiano , dist. 3. ean. Porro , quia certis Prouincijs continentur , non autem ad omnes Christianos pertinent , sicut verè Generalia , & Oecumenica .

Prouincialia Concilia, quæ.

Prouincialia dicuntur , in quibus conueniunt tantum Episcopi vnius Prouinciæ , quibus præest Archiepiscopus , siue Metropolitanus : & huius generis sunt plurima in Tomis Conciliorum , de quibus etiam vide in nostra Summa Conciliorum . De his videtur loqui vij. Synodus Act. 3. cum ait , se amplecti etiam decisiones localium Conciliorum .

Dicecesana Concilia, quæ.

Dicecesana sunt , in quibus conueniunt tantum Presbyteri vnius Episcopatus , & ijs Episcopus præest : cuius generis paucissima exstant , nec
imme-

PARTITIONE. 9

immeritò nam vix dici possunt Concilia, cum in eis ordinariè nullus sit, qui iurisdictionem habeat, præter vnum Episcopum, qui præest.

Nos ergo in hoc nostro Compendio de Generalibus tantum distinctè agimus, & ex his solum de Oecumenicis: nam de cæteris, quæ sub nomine Generalium Conciliorum circumferuntur, reuera autem Nationalia sunt, in fine libelli huius simul disseremus.

mus.



A 5 De